

● 歷朝憲章類誌卷之三

★ 諸道風土之別

● 京北

古武寧郡。秦屬南海郡。漢屬交趾郡。吳晉隋唐同。丁朝爲北江道。黎大行初改爲府州。李初升古法州爲天德府。與武寧諒州諸路陳朝爲北江上下二路。黎初因之。光順置北江承宣統諸府縣及定版圖。始改爲京北隸府四縣二十。

京北南夾山南海陽北界太原西連山西東接諒山。山脉高峻連江縈迴爲我國之上游也。風景則北諒爲盛。文學則慈順爲優。厚脉所鍾尤多勝跡。精華之會迭出名臣。蓋北方渾重之氣發越宜亦奇云。

慈山府五縣

桂楊縣

舊四十五社

東岸縣

舊八十八社

武江縣

四十五社村

仙遊縣

舊五十二社

今四十六社

今九十七社

古號武寧

今五十五社

安豐縣

舊五十二社一村一庄一坊今七十二社村

社村坊黎初號安富中興後始改安豐

慈山在京北之中。地勢曠衍。仙遊古法

即亭榜

爲李時湯沐邑。地靈鍾秀。今李氏八位遺陵芳鬱成林。

其山川之景有蕉山。佛跡山。普賴山。覽山。鄒山。月德江。天德江。萬行禪師住持之所。李太祖投胎於此。○佛跡山在仙遊縣。又名仙遊山。昔有樵客王質入山。見二老叟松下圍棋。倚斧而觀。迨局殘廻顧不覺斧柯之爛。又名爛柯山。○普賴山在桂陽縣。普賴社。山石甚高。下臨六頭江流。景致空闊。上有祝聖寺。乃孔路禪師修真之所。陳時君宰常脫屣詣焉。陳人有句云。江蟠老將論兵地。雲擁先皇錫。

山。黎桂堂公詩云。聞說普賴山。好景堪勝賞。今日偶登臨。始覺清興爽。小岫峙江邊。其巔平如掌。隔岸是拋山。東西互相嚮。三江湊合流。波瀾遠蕩漾。北望景嶠岩。恰似走萬象。東眺著釤嶺。連山排翠嶂。雖無奇與秀。閒曠有佳况。○覽山在桂楊縣。十六社環山分居。古寺甚多。溪岩景致。極覺幽邃。上山爲孔路修真之地。遺跡猶存。黎桂堂公詩云。龍領當初作上方。高峯聞道尙流芳。攢雲綠送三千樹。盤石青環十六鄉。○鄒山在仙遊縣。上有趙井。雄王辰殷王來侵。駐兵山下。董天王大破之。殷王死於此山。土人奉祀。歲久荒廢。至秦崔亮來治。重修廟祀。殷王陰感之。使麻姑仙授亮仙藥。治玉京蛇癰疾。在此山穴中。其後崔亮仙去。遺跡猶在。趙井今存。事詳摘怪傳。黎初武永禎詩云。趙井荒涼幾度秋。鄒山遺跡至今留。東蛇久已歸滄海。神女猶傳潰贊疣。崔仲乘雲何處去。趙王入井果然不我來。追問當年事。閒拂苦碑記勝遊。○天德江自珥門河入頭江。遊桂楊轉入六頭江。自李太祖升古法爲天德府。因名其江曰天德江。月德江是珥河之上流。因名別之。

### 古跡有七曜山扶董祠胤寺螺城如月江洗玉井事具載誌。

七曜山在安豐縣安康社。安陽王時。山中有伶人滯魄。憑精于此。傍館有白鷄能作妖孽城。王因金龜言。追至館。殺白鷄而鑿其山。得古樂器。及殘骸焚之。其妖遂絕。築城半月而成。○扶董祠在仙遊縣。史載雄王時殷王來侵。王遣使募能破賊者。至扶董鄉。一家生男子已三歲不言。其母戲問之。兒卽呼使者至。告以奏王鑄鐵馬。破賊。馬來兒卽聳身長大。騎馬破殷軍。至寧朔山躍馬騰空而去。雄王乃尊爲董天王。立祠於鄉建初寺側。歷代香火。靈應愈著。今巨人物井現在伊社聖母祠前。○胤寺在東岸古法。李氏降生于此。今寺在官路傍之左。○螺城在東岸縣古螺社。古號封溪。安陽王所都築城廣千丈。盤旋如螺形。故號螺城。又名思龍城。唐人呼爲岷崙城。謂其最高也。今遺址尚存。○如月江在安豐地分有張將軍祠。李仁宗時宋兵入寇。至境上。聞祠中吟曰。南國山河南帝居。截然定分在天。嘗如何逆虜來侵犯汝。等行看取敗虛。旣而果然。詔立祠於如月江。累朝褒加顯號。載在祀典。○洗玉井在古螺安陽王廟前。相傳趙佗僭國。媚娘死節。屍流水潭。後人取水洗玉光明。科目之發一府甲於天下。慈山府登科二百八十三員。爲四宣諸府之冠。

### 五縣皆盛而

**東岸最多。**武江三十三員。桂楊二十九員。仙遊四十員。安豐四十員。惟東岸一百三十八員。世閥之美。則如金堆、詠橋、雲恬、望月、諸族。

金堆在武江縣。阮族自仁浹公以下。三世答科。

凡十三員。黎初五兄弟同時。子姪繼擢科第。朱紫滿朝。○詠橋在東岸縣。阮族自文徵公中莫明德辰。歷至懷敷。八代科榜。凡九員。○雲恬在東岸縣。阮族自節齋公發科。大顯于中興初。繼而子孫歷登科第。五代六員。○望月在安豐縣。吳族自鉅公登洪德正榜。繼而五代連登。古今罕有。雲。黎桂堂詩云。路達海通魚價賤。地勝陶冶費錢深。關津上下真如繩。販得蠅頭幾苦心。桂楊芹驛爲正巡。安豐香羅爲支巡。○古縣

卷二 地輿誌

諸道風土之別

四十

有臯魯祠在武江縣。昔臯魯輔安陽王有功而被誅。後高駢過此。夢見敍事甚詳。寤起。有詩云。美矣父州地。悠悠萬古來。古賢能見。終不負靈臺。詳見國史安陽王時。

北河府四縣

先福縣四十  
二社。

金華縣五十一  
社一村。

治和縣五十五社一案。  
今五十一社。

安越縣三十四社。  
今三十六社。

北河在京北之北。先福地連上游。丘巒頗多。金華邇山西。安越治和則與諒北接界。古跡有衛靈山。爲董天王飛升之地。衛靈山在金華總盤礎子數社之間。山前有一峯如香爐。滿山千松蒼翠。光景幽寂。相傳天王破殷兵。至此鐵馬騰空而去。遺衣（一作劍）掛在榕樹。今環山四社奉事。廟在山下。稔著靈聲。科目之發。惟金華爲多次。治和次先福。次安越云。金華登科十七員。治和十員。先福八員。安越六員。

諒山府六縣

鳳眼縣五十八社。今  
五十四社。

右隴縣八十七社。今  
二十八社。

安勇縣八十二社二所。  
今七十九社。

保祿縣六十七社。今  
六十五社。

安世縣四十四社。今  
四十五社。

陸岸縣五十一社。  
今五十社。

諒山府在京北上游。六縣俱多山。而鳳眼、保祿、安世、右隴、林巒連亘。與海陽至靈接界。昌江一流自六頭而上。繁遶于六縣之間。陳時興道王常領諒山開邸于萬刦寨。大破元兵於此。元兵來辰葉普額至靈深有智謀。二山柵以羽翼之。與莽中大破之。道王預伏兵林。歿後塋於所居園處。今有祠在稔著靈異。州縣遇災疫。人多禱之。有寇警。至告其祠。匣劍鳴必捷。科甲之發。惟安世、鳳眼、保祿、安勇四縣有之。而安勇爲多。安世四員。鳳眼五員。保祿二員。惟安勇二十三員。一府風物。右隴稍勝。餘皆林隴磽確。與下道殊別。有事之時。常爲盜藪。前黎光紹間。陳嵩作亂。據此一帶。至五六年。傳之子昇。迨後官軍始討平之。

順安府五縣

嘉林縣七十一  
八社

良材縣七十五社  
古號養材

超類縣六十  
八社

文江縣六十一社  
古細江縣

嘉定縣六十  
八社

順安在京北西南。地勢廣邈。天德江流繁迴五縣。東究山爲一府名勝。

東究在嘉定縣。羣峯峙立。下臨江流。山上  
有天台寺。景致亦佳。鄭裕祖常幸其地。

黎桂堂公詩云。一山卓立衆山隨。金帶紓迴水。綿瀰石色泉聲。無客到竹情花意。

許僧知白雲過塔明紅樹。芳草橫溪暗玉芝。曾是先朝遊豫地。風光依舊似前時。

古跡有法雲寺。大悲寺。儼密祠。

士王時有蠻娘者

居此。有孕生女。爲法雲像因名。○大悲寺在嘉定縣萬斯社。近谷臨江。內奉調御法螺。玄光三祖像。相傳玄光創立此寺。桂堂公詩云。蓮臺頽弊草蒙苔。法像無言證。色空香炷映殘桃葉。月禪闢吹飽荻花。風竹林師弟神留外。卽墨江山夢醒中。○儼密祠在嘉林縣儼密社。相傳李時伊社人有勇力絕倫者。因當時公主乘船巡遊。爲水族作祟。沈沒于此江。募能水尋者優賞。其人卽奮身入江。與水怪鬪殺。奪得王尸上岸。其時賞答爵祿。一切避遙。止請將本社貧民安插昇龍之西。後爲三寶守護等十二寨。人烟稍稠。勇人歿後。爲本社福神。稔著靈應。其諸寨民。年年遇神諱日。相率北渡。

龍腹宮。古碑府。皆先朝遺跡。備極莊嚴。爲翠輦臨幸之地。

龍腹宮在嘉定縣。永盛年間。仁王命役嘉

裕祖北巡。常臨幸其地。

○古碑在嘉林縣。保泰間仁王幸北京。過古碑。愛其風水。欲營新都。因預建行

宮。以備巡幸。令羣臣擇地爲圖以進。營築之功。一月而畢。仁王沒後。順王命輒罷之。今城府遺址尚存。科甲發越。在嘉林爲優。次良材。次文江。次嘉定。次超類。

嘉林登科六十員。良材五十五員。文江四十三員。嘉定四十三員。超類三十六員。

文學之盛。蓋與慈山相埒。習俗皆尙文雅。其

地秋田最良。農民繁殖。風物優於一處云。

山西

古文郎國。秦屬象郡。漢屬交趾郡。吳時置新興郡。晉改新昌。唐置峯州福祿州。後別爲峯州三帶州。丁黎李三朝爲路。陳朝爲三江三帶廣威國威等路。黎初因之。光順中置國威承宣統諸府縣及定版圖。始稱山西。後仍稱三江。洪順後專稱山西隸府六。

永盛時省一府縣二十四。

山西南夾清華。北夾太原。京北在其東。宣興在其西。三岐江流繚繞而蜿蜒。傘圓諸山羅列而分布。名山大川。表諸封域。誠亦稱西方之樂土也。文物則下畔爲盛。財賦則上游爲多。要皆風物近古。習俗率真。寔形勝之名區。乃廣輪之厚氣者也。

## 國威府六縣

慈廉縣

九十一

福祿縣

今屬廣威

安山縣

古寧山縣。中興後避莊宗諱改安山。

石室縣

四十三

丹鳳縣

六十

美良縣

四十九社

社村。

一社。

古屬廣威。

國威府在山西之東。慈廉丹鳳俱在平津。與京北山南夾壤。石室安山美良三縣。則近接連山。喝江一流自上游而下。沿福祿慈廉丹鳳三縣直至珥河。其別流自福祿蜿蜒于石室安山之間。名山景致。有勾漏佛蹟。黃舍仙侶。紫沉諸山。皆爲遊覽勝地。勾漏山一名西方。在石室縣勤儉社。俯臨浙江。景致岑寂。全山土堆赤壤。梵林孤院倚幽篁。佛蹟寺在安山縣瑞圭社。一名柴山。又號古柴山。景致秀麗。下瞰平湖。山上深谷。爲徐道行尸解之所。石壁有頭踵痕跡。猶存。山中蒲陀院香海庵。皆徐公所建。今爲天福寺。院時中題香海庵詩云。蘭茗倚岩幽。臨山一徑修。池寬先得月。洞古早知秋。鳥却波間宿。魚翻木末游。○黃舍山在安山縣。孤嶺巒崿。景致幽雅。山上有文昌帝君祠。檢著靈應。○仙侶山在安山縣仙侶社。李翁仲慈廉瑞香人。身長二丈三寸。少時供役鄉邑爲長官所笞。遂入仕秦至司隸校尉。屢將兵擊臨洮。聲振匈奴。及卒。始皇鑄銅爲像。迨高駢破南詔。顯靈助順。駢重修廟宇。今祠在瑞香社。俯臨江津。即古名市甜社。○微土都峯州牒治縣。後退保禁溪。今祠在福祿喝江。○慈廉上下葛二社。古名君臣洲。後李南帝與趙王光復割界于此。○

羅鄧祠在下姥社。雅郎後李南帝子，婚趙越王女，吳娘居烏鵲潛竊越王龍爪鑿，叛其父，謀襲趙取其國。烏鵲即下姥社也。○李服蠻祠在丹鳳縣安所。社服蠻南帝時將以忠烈知名。李太祖幸古所江，常見夢曰：天下遭寇，昧忠臣，匿姓名，中天明日月，孰不見其形？帝寤，遂命立祠，設像祀之。後陳宋戰於其地，茂治大敗。鄭成祖封其鯨貌而還。追拔立廟誌功，歲時致祀。令諸功臣配享。今其祠尚在。科目之發諸縣皆有，而慈廉極盛。慈廉登科八十七員。丹鳳二十九員。石室十六員。安山十一員。惟良無之。

一府習俗大概殊別。慈廉多文雅，丹鳳稍質。其江右三縣皆樸野少文。美良沿山蠻、獠習尚又異。美良七總外三總與安山諸民相同。內四總俗尚殊別。衣服與蠻獠無異。其豪長稱爲郎。其物產土宜，率稱巧好。菓、橘、魚、鳥、竹等。多佳品云。如慈廉羅姥之紗帛，石室縫村之白布，安山果菜之蠶絲，皆爲美好。木菜則如安朗之瓜，東平之柿，富華之魚鳥，俱稱絕佳。

### 三帶府五縣

安朗縣古朱雀縣。

安樂縣一百八

白鶴縣古號峯州。

立石縣八十

扶康縣六十三

社村。

三帶在喝江之左。洮江上流自興化鎮安縣經過山圍亦通至此。三派合流遂爲大河。一府五縣惟扶康獨在河右。安朗白鶴皆沿河曠邈。古跡有義嶺山、雄王山、棗冷縣、使君城、阮家灣、白鶴祠。義嶺山在白鶴越池。相傳涇陽王遷都於此。○使君城在峯州縣。連峯重疊。相傳是雄王所都之地。○棗冷縣今爲安朗縣。徵王遷都於此。○阮家灣在安樂縣。永慕社十二使君時。阮太平據此。其後因名。○白鶴祠在白鶴江上。唐永徵中。李常明爲峯州都護。於此江建祠塑二神像。夜夢二人。一稱名石卵。一稱名石卵。請較能。先躍過江者居先。廳聳一躍。土令居前。於是常明命塑像。如夢中所見。奉事香火。爲三江靈神。科目之發五縣皆有。而立石爲多。立石登科二十三員。安樂十九員。扶康二員。風物繁盛。則立石白鶴爲優。上游財貨湊會。其征巡之所。凡五處云。安朗壯越二社皆支巡。白鶴社三所。二所爲支巡。一所爲禹餘僅處。

## 卷三 地輿誌

諸道風土之別 山西

四四

## 臨洮府五縣 古臨江府

山圍縣

五十

青波縣

三十

華溪縣

古麻

溪縣

夏華縣

四十

三農縣

八社。

八社。

華溪陳舍社有城故址。

七社。

設在山圍縣。

永賴社

臨洮府在山西之西與興化接壤。四縣近接沿山洮江沱江二流繁繞其間。一區物力在上游號稱稠密。山圍尤爲富衍。古昔有矯公城。十二使君矯願據回湖。今科舉陳舍社有城故址。惟山圍有之名儒良臣歷世迭出。登科凡十六員。如程舍武公睿以狀元徇難。渭蒲鄧公鳴謙以尚書修史。春龍院公敏篤以榜眼徇節。前後相繼皆顯名於黎初。其征稅之所程舍爲正巡云。設在山圍縣。永賴社江分。即洮江上流。

## 端雄府五縣

東蘭縣

二十五社。  
今改東關。

西蘭縣

二十八社。  
今改西關。

山陽縣

二十  
四社。

當道縣

十七  
社。

三陽縣

端雄府在山西之西北與太原宣光夾界。一府連山環繞。洮江別流自白鶴江入。分歧散派於五縣之間。三陽山勢峻險。三島山連峯疊嶂。蜿蜒盤礴。接于太原山上有柱國聖母祠。穩著靈應。其地名山突起山圓似月鏡。聖祠在其上。屬明時有太原人劉注買油爲生。暮宿祠前夜聞諸神會議。知黎太祖當興。卽往清華尋覓。後爲功臣封國公。今三江縣寶山。社有國公舊址。永祐中有僧阮當一作登聚徒山中。往來共秀。降秀濟泉。

從之衆至數千。僞立名號。署置官屬。不逞者往往響應。朝廷命將討之。次年始滅。景興初逆芳復據其山。十有餘年巢穴蟠結。迨後明王親討始平之。蓋其地在上游。勢頗岩險。故常爲逆黨竊據之所。文學惟東西關二縣僅有餘皆無焉。東關登科三員。西關登科二員。

廣威府四縣